



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3067/09
Sarajevo, 24.12.2009. godine

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 109. sjednici održanoj 22.12.2009. godine, utvrdilo je Odgovor na zastupničko pitanje koje je Azra Hadžiahmetović, zastupnica u Zastupničkom domu Parlamentarne skupštine Bosne i Hercegovine, postavila na 60. sjednici ovog doma održanoj 16.9.2009. godine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša

01-50-1
24.12/09. fj

PRIMLJENO: 24.12.2009.			
Organizaciona jedinica	Klasifikaciona oznaka	Redni broj	Broj priloga
01-50-1		1560/09	



**BOSNA I HERCEGOVINA
VIJEĆE MINISTARA**

Broj: 05-50-3067/09
Sarajevo, 22.12.2009. godine

Gospođa Azra Hadžiahmetović, poslanik u Predstavničkom domu Parlamentarne skupštine Bosne i Hercegovine, na 60. sjednici Predstavničkog doma održanoj 24.09.2009. godine postavila je sljedeće poslaničko pitanje:

„Molim da posredstvom entitetskih vlada obezbjedite odgovor na pitanje: **Na koji način je regulisan status nacionalnih parkova u Bosni i Hercegovini? Dakle, šta je pravni osnov, koje su nadležnosti pojedinih državnih institucija, odnosno nivoa vlasti, na koji način se finansiraju, obuhvat nacionalnih parkova i itd.?**“

Na postavljeno pitanje Vijeće ministara Bosne i Hercegovine je na 109. sjednici održanoj 22. 12. 2009. godine, utvrdilo sljedeći

ODGOVOR

Zahvaljujemo se na pitanju koje ste uputili Vijeću ministara Bosne i Hercegovine, a koji se odnosi na zaštitu okoliša. Ovom prilikom želimo da istaknemo da su poslanici Parlamentarne Skupštine Bosne i Hercegovine do sada uvijek podržavali sve aktivnosti iz ove oblasti, bilo da se radilo o raspravama u Komisijama prije usvajanja konvencija, protokola i sporazuma, te su na Domu naroda uvijek bili jednoglasni u davanju podrške i pozitivnog mišljenja na ratifikaciju međunarodnih dokumenata.

U razvijenom svijetu se uveliko primjenjuje kriterij po kome se civilizacijska zrelost jednog naroda mjeri i njegovim odnosom prema prirodnoj i kulturno-historijskoj baštini. Sve zemlje EU su donijele zakonske mjere za zaštitu određenih lokacija koja su značajna za konzervaciju prirode kao „zaštićena područja“. Zaštićena područja predstavljaju ključni instrument prilikom zaštite zona sa značajnim i/ili ugroženim biodiverzitetom i prirodnom baštinom.

Opravljanost pitanja ogleda se u višestrukoj koristi od uspostavljanja nacionalnih parkova što se vidi kroz različite efekte od kojih navodimo neke:

- Zaštitne: trajna zaštita biodiverziteta kao i ostalog prirodnog i kulturno istorijskog nasljeda;
- Ekonomske: promjena sticanja dohodka, odustajanje od kratkoročnih ekonomskih interesa, novi duh „pozitivnog šumarstva“, novi menadžment prostora, atmosfera samoodrživosti;

životne sredine". Prema tim odredbama nacionalne parkove osniva Vlada Republike Srpske, kao samostalne pravne subjekte. Sredstva za zaštitu razvoj i upravljanje nacionalni parkovi stižu i pribavljaju iz Budžeta Republike Srpske, iz prihoda ostvarenih obavljanjem djelatnosti pružanja usluga i ostalih prihoda iz poslovanja gazdovanjem prirodnim i drugim dobrima na svom području od naknada za korišćenje dobara nacionalnog parka, od naknada šteta pričinjenih na tim dobrima, iz Fonda za zaštitu životne sredine Republike Srpske, iz udruživanja sredstava korisnika dobara, iz kredita, zajmova, donacija i drugih izvora u skladu sa Zakonom. Obuhvat nacionalnih parkova u Republici Srpskoj, utvrđen je prostornim planovima posebnih područja, koji su sadržani sa toponimskim opisima u samom Zakonu, u zasebnim odredbama za svaki od nacionalnih parkova."

„ Na području Federacije BiH Zakon o zaštiti prirode („Sl. novine Federacije BiH“ br.33/03, čl.25) reguliše uspostavu zaštićenih područja u Federaciji BiH u skladu sa kategorijama Međunarodne unije za zaštitu prirode (IUCN-a). U skladu sa čl.30., stav 1 Zakona, Federalno ministarstvo okoliša i turizma daje prijedlog za proglašenje nacionalnih parkova i radi na zakonu o proglašenju nacionalnih parkova kojeg donosi Parlament Federacije BiH. Zakonom o proglašenju, u skladu sa čl.31., stav 1. Zakona propisuju se mjere upravljanja, nadležno tijelo za provođenje mjera upravljanja i tehnologije koje će se primijeniti na zaštićenom području. Nakon donošenja Zakona o proglašenju, Vlada Federacije BiH (ČL. 31., stav 4.), dužna je donijeti plan upravljanja za proglašeni nacionalni park. Sredstva za rad javnih preduzeća koji upravljaju nacionalnim parkovima osiguravaju se iz budžeta Federacije BiH. Zakonom o proglašenju nacionalnih parkova daju se okvirne granice prostornog obuhvata na osnovu uređene studije izvodljivosti, a detaljne granice se preciziraju Prostornim planom područja posebnih obilježja od značaja za Federaciju BiH, a u skladu sa Zakonom o prostornom planiranju i korišćenju zemljišta na nivou Fedracije BiH- („Sl. novine Federacije BiH“, broj 2/06, 72/07, 32/08).“

Na kraju želimo istaći, da u skladu sa postojećom zakonskom regulativom, u Bosni i Hercegovini uspostavljena su tri nacionalna parka i to dva na području RS (Sutjeska i Kozara) i jedan na području FBiH (Una). Također postoji namjera da se osniva još jedan nacionalni park na području FBiH. U skladu sa Ramsar Konvencijom (međunarodna Konvencija o vlažnim područjima), u BiH postoje tri područja od međunarodnog značaja, a to su: Hutovo blato, Bardača i Livanjsko polje.